



**Arnoldi Corvini â Belderen, Batavi, Jcti quondam  
Consummatissimi, Consilarii Electoralis & Professoris  
Moguntini Publici, &c. Tractatus Geminus De Personis  
Atque Beneficiis Ecclesiasticis Sive ...**

opus posthumum, diu desideratum, nunc demum excusum, & indice  
locupletissimo instructum

De beneficiis ecclesiasticis

**Corvinus van Beldern, Arnold**

**Francofurti ad Moenum, 1708**

**VD18 10184902**

De Diariis seu distributionibus quotidianis. Tit. 16

---

[urn:nbn:de:hbz:466:1-62028](https://nbn-resolving.org/urn:nbn:de:hbz:466:1-62028)

## TITULUS XVI.

## De Diariis seu distributionibus quotidianis.

## SUMMARI A.

- |   |   |
|---|---|
| 1. Continuatio.   | nas quibus competat.  |
| 2. Cur dicuntur Distributiones.   | 12. Quomodo assignanda.   |
| 3. Sunt Duplices : Et quae.   | 13. Beneficiatus de iis disponit liberè.                                  |
| 4. Earum definitio.   | 14. Nonnulli, licet absint, eas lucrantur.                                |
| 5. Quomodo appellentur, improprie.  | 15. Quae legitima absentia caussa.  |
| 6. Quando computentur inter Beneficiorum fructus.   | 16. Dictis exceptis, eas amittunt ipso iure, de iuris qui non inter sunt. |
| 7. Cur instituta.   | 17. Qui censeantur non interesse.   |
| 8. In Ecclesiis si non sint, secundum Consilium Tridentinum tertia pars fructuum seponenda. | 18. Eorum distributiones quibus accrescunt.                               |
| 9. Ex quibus Beneficiis.  | 19. Amissa remitti nequeunt.  |
| 10. Secundum quem Valorem.  | 20. Nulla veniunt in condemnatione fructuum.                              |
| 11. Jus percipiendi Distributiones quotidianas.   |   |

Corvinus  
De Personis  
et Benefic. Ecclesiast.

G IV.  
32



**S**equitur de *Distributionibus quotidianis* : cum & benefici-  
orum sint fructus : & nonnunquam per se beneficia.

Appellatur *distributiones*, quia juxta cujusque me-  
rita ac laborem ac qualitatem distribuuntur.

Sunt duplices. Quaedam *præbendarum vice funguntur* : Quæ-  
dam à *præbendis sunt separata* atque distinctæ.

*Illæ* sunt Ecclesiarum, quarum fructus omnes reponuntur in  
communi, & distribuuntur Canonicis. *vid. c. olim. de verb. signif. &*  
*Decian. cons. 43. vol. 1. Menoch. cons. 436. num. 25.*

*Hæ* sunt Ecclesiarum, in quibus Canonici habent præbendas cer-  
tas, & præter eas, distributiones quotidianas, pro interessentibus di-  
vinis officiis. *vid. c. fin. de rescript. in 6. & c. un. de Cleric. non resident. in*  
*6. & c. ult. de concess. præbend. in 6.*

Dicuntur in jure Civili *diapira. in Novel. 123. cap. 3.* Latinè *Emo-*  
*lamenta* : Vulgò *Præsentia* : & *distributiones quotidiana* : Quæ iis  
qui quotidie horis Canonicis, divinisque officiis interfunt, quasi quo-  
tidianum & diurnum stipendium distribuuntur.

Definiri possunt, stipendia quædam personalia, quæ ex redditibus  
Ecclesiæ, præter præbendam aut portionem certam pro beneficio com-  
petentem, Canonicis & Beneficiariis, seu Clericis, divinis officiis inter-  
essentibus tribuuntur.

Nuncupantur & *Beneficia Manualia. in c. d. c. olim. & d. c. un. de*  
*Cleric. non resident. in 6.* Quia divinis horis interessentibus dantur ad  
manum. *Duar. de benef. lib. 7. cap. 4.* Non tamen propriè.

Imò nec propriè appellatione reddituum beneficii veniunt. *c. licet.*  
*de præbend. c. 2. de privileg. in 6. Barbosa de appellativa verb. utriusq.*  
*juris signif. appell. 251. num. 5.* Ut nec appellatione fructuum ; *fac.*  
*Concil. Trident. sess. 24. de reform. cap. 12. vers. præterea. Covarr. lib. 3.*  
*resolut. cap. 13. num. 1.* cum dentur ratione certi ministerii personalis.  
*c. licet vobis. cum Gloss. de præbend. Fr. Emman. quest. regular. tom. 2.*  
*qu. 74. art. 4.*

Computantur tamen inter fructus, redditus, & proventus bene-  
ficiorum, quando agitur de sola consideratione & æstimatione bene-  
ficii,



ficii, quæ in beneficiis solet exprimi ad hoc, ut Papa sciat valorem ipsius  
*sec. Gemin. in c. fin. & Franch. num. 1. de rescript. in 6.*

Imò & semper, sed secundum subjectam materiam. Ut si agatur de fructibus alicujus Canoniciatus non habentis præbendam, aliove fructus præter distributiones quotidianas. *Gemin. in cap. pragmat. num. 19. de offic. Ordin. in 6. Prob. ad Monach. in d. c. un. num. 60 & 61. de Cleric. non resident.*

7 Institutæ hujusmodi *Distributiones quotidiana*, ut Clerici, præter spiritualia præmia, quæ à Deo pro officiis divinis consequuntur, acciperent, & stipendium temporale pro victu ab Ecclesia; *can. Clerici victum. dist. 20.* eò lubentius & diligentius pro recitandis officiis divinis convenirent ad eam, *d. c. un. de Cleric. non resident. in 6. Ugolin. de offic. Episc. cap. 19. §. 2. & obirent munera sua. Ugolin. de Simon. tab. 1. cap. 9. §. 6. num. 4.*

Unde & in *can. licet. de præbend.* constitutum, ut interessentibus divinis officiis tribuantur tantum, nullâ contrariâ consuetudine obstante: si non præsentibus eas recipere, ad restitutionem condemnantur; *per d. c. un. Quod tamen patitur exceptiones. De quibus infra.*

8 Voluit Concilium Tridentinum *sess. 21. de reform. cap. 3.* ut in Ecclesiis, ubi distributiones quotidianæ vel nullæ sunt, vel tenues, tertiam quorumcunque fructuum & reddituum omnium beneficiorum partem separari, & in distributiones quotidianas converti, dividique proportionaliter inter divinis officiis interessentes.

9 Sed ea deduci non potest, nisi ex Canonicatibus & Beneficiis residentiam in Cathedralibus & Collegiatis Ecclesiis requirentibus: *Garc. de benef. part. 3. cap. 2. num. 473. Ugolin. de offic. Episc. cap. 19. §. 2. num. 4.* Nisi ipsa beneficia præbendis Canonicalibus sint incorporata: *Piassec. in prax. Episc. part. 2. cap. 3. num. 7. vers. de distributionib. Zorola in praxi Episc. part. 1. verb. distributiones quotidianæ. §. 2.*

10 Deducenda secundum valorem currentem; *Garc. d. part. 3. cap. 2. num. 467. & cap. 4. num. 22. & verum; Garc. d. loco. & pensionibus & oneribus impositis deductis. S. Concil. Congreg. sub die 7. Aprilis 1629.*

Corvinus  
 De Personis  
 et Benefic. Ecclesiast.

G IV  
 32



Jus autem percipiendi Distributiones quotidianas competit Ec-<sup>11</sup>  
 clesiarum Cathedralium & Collegiatarum Canonicis, *d. c. un. de Cleric.  
 non resid. in 6. Clem. 2. de atat. & qual. Extrav. nonnulla. §. praterea. de  
 prabend. c. licet. de prabend. Concil. Trident. d. sess. 21. de reform. cap. 3.  
 & sess. 24. de reform. cap. 12. vers. praterea. Clericis: d. c. un. punct. d.  
 Clem. 2. & Concil. Trident. d. cap. 12. vers. praterea. Monet. de distribut.  
 quotid. part. 2. qu. 1. ex num. 1. Canonicis in atate dispensatis. §. Congr.  
 Concil. in una Reatina. 10. Julii 1627. Barbof. Juris Eccles. univ. lib. 3.  
 cap. 18. num. 26. Etiam regulariter, supernumerariis & cum expecta-  
 tione prabendæ creatis; Ludov. Gomez. tract. de grat. expectat. num.  
 48. Staphil. de form. expect. formul. 1. num. 8. & 12. Barbof. d. loc. num.  
 27. cum seq.*

Assignandæ singulis horis Canonicis & Missis conventualibus; <sup>12</sup>  
*Gloss. in verb. ordinationem in d. c. un. de Cleric. non resident. in 6. &  
 verb. Canonicus. in Clem. 1. de celebrat. Missar. Sanctarel. variar. resolut.  
 qu. 12. num. 4. integris: Monet. d. p. 2. qu. 4. num. 14. Nisi consueto  
 sit contraria: d. Clem. 2. de atat. & qual. ubi Gloss. verb. certis horis.  
 Cardin. qu. 17. Anchar. num. 8. Imol. num. 33. spatio annorum quadra-  
 ginta introducta. Monet. d. part. 2. qu. 3. num. 47. per c. fin. de consuet.*

Harum distributionum quotidianarum dispositionem habet Be-<sup>13</sup>  
 neficiarius liberam. Quia carum est dominus. *d. c. un. de Cleric. non re-  
 sident. in 6. Domin. in c. presenti. 9. de offic. Ordin. in 6. num. 16. cum  
 seqq. & Franch. num. 10. & in d. c. un. §. quia verò. à num. 3. aliig. all. per  
 Barbof. d. lib. cap. 17. num. 31.*

Distributiones quotidianas, præter supra enumeratos nonnulli, <sup>14</sup>  
 licet à Choro absunt, & divinis officii non sint præsentis, lucrantur  
 ex privilegio aliave causâ rationabili: Nempe 1. Auditores Rotæ  
 Romanæ: *ex constit. Clement. VIII. incip. convenit. sub dato nonis Au-  
 gusti 1525. Sanctarel. var. resolut. qu. 11. num. 1.* 2. Inquisitores in hæ-  
 reticam pravitatem: *Sanctarel. d. qu. 11. num. 3.* 3. Collector Gene-  
 ralis Cameræ Apostolicæ, Subcollectores, Advocati, Procuratores  
 fiscales, & Notarii in causis jurium dictæ Cameræ, durante eorum fun-  
 ctione: *Constit. Sixti V. dat. 8. Martii 1590. Sanctarel. d. qu. num. 6.*  
 4. Archi-



4. Archidiaconi, aliive Canonici visitantes Ecclesiam propriam, iura redditusve præbendarum suarum: *Garcias de benefic. part. 3. cap. 2. num. 332. cum seq.* 5. Poenitentiarium, audientes in Ecclesia, dum recitantur officia divina, confessiones: *Riccus in praxi fort. Eccles. decis. 498. in edit. 1. Monet. d. distribut. quotid. part. 2. qu. 11. num. 64. cum seqq.* 6. Præbendam Theologalem habentes in diebus, quibus præbentur: *Garcias d. cap. 2. num. 118. Monet. d. loco. qu. 10. num. 27.* 7. Interessentes generali Concilio: *Bartholom. à S. Fausto. de horis Canon. lib. 3. qu. 52. Trullench. in præcepta Decalogi lib. 1. cap. 8. dub. 12. in princ. num. 7.* 8. Animarum cura actu in Ecclesiis, ubi suos habent Canonici, vel dignitates, *Bartholom. à S. Fausto d. lib. 3. qu. 76. incumbentes: Leo in Thes. Fori Eccles. par. 3. cap. 2. num. 24. Zevul. d. loco. num. 3. vers. secundo debentur.* 9. Papæ privilegium habentes: *Gemin. num. 4. Frauch. num. 3. in c. un. de Cleric. non resident. in 6. 10. Missi ab Episcopo ad visitanda, ejus nomine, Limina Apolloniorum: Riccius in d. praxi decis. 408. Barbof. lib. 3. Juris Canon. tit. cap. 18. num. 48. Leo in Thesaur. fori Eccles. cap. 2. n. 23.* 11. Episcopum ea visitantem comitantes: *S. Congregat. Concil. in declar. sup. decret. Sixti V. cap. 12. in verb. fructuum. §. canonici. Leo d. loco.* 12. Ex causis legitimis absentes: *d. c. un. de Cleric. non resident. in 6.*

15 Causæ absentia legitima censentur: 1. Utilitas Capituli: *per d. c. un. Riccius in d. praxi resol. 389. qu. Seraphin. decis. 1239. part. 2. Barbofa d. loco. num. 52. cum seqq.* 2. Canonici infirmitas: *d. c. un. Covarruv. lib. 3. var. cap. 13. num. 8. Gomes. in reg. de infirm. resig. qu. 9. vers. 47. puta, si gressus ipsi sit difficilis: Menoch. de arbitr. iud. casu 60. num. 14. cum seq. lumine oculorum captus: Monet. d. part. 2. qu. 6. num. 16. podagra aliove morbo laboret: Monet. d. loco. num. 18. ita ut Medicorum opera indigeat. Barbofa d. loco. à num. 58. usq. ad 62.* 3. Senium: *Leo d. num. 27. Monet. d. part. 2. num. 7. Riccius d. resol. 389. num. 7. Zypæus in Juris Pontif. Novi Anal. tit. de Cleric. non resident. num. 3.* 4. Metus occisionis ab inimicis: *Covarr. d. lib. 3. cap. num. 8. vers. decimo. Monet. d. part. 2. qu. 5. num. 71. bello, Sforz. Oddo. de in integr. resit. art. 9. num. 92. Menoch. de arbitr. casu 153. num. 12. pelle,*

CORVINUS  
DE PERSONIS  
ET BENEFICIIS ECCLESIASTICIS

G IV.  
32



peste, *Menoch. d. loc. num. 10. Oddo. d. loco. num. 94.* 5. Incarceratio iniusta: *Covarr. d. loc. num. 8. vers. undecimo. Zerola. d. loco. §. 8.* 6. Relegatio: *Covarruv. d. loc. vers. decimo.* 7. Excommunicatio: *Covarr. d. loc. num. 8. vers. ceterum.* 8. Suspendio: *Monet. d. part. 2. qu. 15. num. 46.* 9. Interdictio: *Parisi. conf. 32. num. 24. vol. 4.* 10. Privatio: *S. Congreg. negotiis Episcop. & Regul. præposita. 26. Maji 1625.*

Dictis exceptis, qui divinis officiis non intersunt, distributiones 16 quotidianas amittunt, & quidem ipso jure, *d. c. un. §. qui vero. Concil. Trident. sess. 24. de reform. cap. 12. vers. distributiones. Sanctarell. var. resolut. lib. 1. qu. 13. num. 1.*

Non interesse censentur, qui absunt à choro, qui præsentem in 17 choro non cantant ipsi: *c. dolentes. de celebrat. Missar. Concil. Trident. d. cap. 12. vers. omnes vero. Fr. Emman. in sum. tom. 1. cap. 145. num. 5. Comitol. respons. moral. lib. 1. qu. 62. aliq. alleg. per Barbof. d. loc. num. 80.* Nisi Ecclesiarum alia sit consuetudo: *Barbofa. d. loc. num. 83.* qui in choro dormiunt, confabulantur: *Suar. de relig. tom. 2. lib. 4. cap. 14. num. 9. Squillante de obligat. Cleric. p. 1. num. 61.* sed hi non in totum: *Barbof. d. loco. num. 65.* propter suam præsentiam: *Trullench. in præcepta Decalogi. lib. 1. cap. 8. dub. 3. num. 6. in fin.*

Non interessentium distributiones accrescunt actu, *d. c. un. vers. 18 statuimus. Concil. Trid. sess. 21. de reform. cap. 3. & sess. 24. de reform. cap. 12. Barthol. de S. Fausto, de horis Canonic. lib. 3. qu. 88.* interessentibus: *sec. Gloss. verb. pars dimidia. in Clem. 2. de atate & qualit. vid. & verb. suspensio. in Clem. 2. de vita & honest. Cleric. Concil. Trident. d. cap. 12. & sess. 21. de reform. cap. 3.* Nisi consuetudo sit, ut convertantur in Ecclesie utilitatem: *Barbofa. d. loc. num. 87. post Monald. conf. 27. num. 4.* vel omnes à divinis officiis abfuerint: *Cassad. ad d. c. un. num. 3. Covarr. d. cap. 13. num. 7.*

Amittas ob non residentiam, nec Episcopus, nec Capitulum, cui 19 qui amittit, remittere aut condonare possunt: *Concil. Trident. d. cap. 12. vers. distributiones. Piasc. de praxi Episc. part. 2. cap. 3. in fine. Sanctarell. var. resolut. quest. 13. num. 7. Mendoz. de Cabedo divers. Juris argum. lib. 1. cap. 9. Riccius. d. praxi resol. 384. Stephan. Gratian. discept. forens. cap. 166. num. 31.*

[Nnn]

Perci



20 Percipientes distributiones quotidianas non tenentur tribuere Seminariis; tam antiquis, quam noviter extractis: *S. Congreg. in declarat. 318.* nec ea veniunt in condemnatione fructuum: *Nisi in fine anni solvantur tota simul. Capud. Aqu. decis. 29. part. 2. Zerola d. lxx. vers. ad quintum.* Videantur quæ de hisce Distributionibus Quotidianis diximus in tractatu nostro de personis Ecclesiasticis *lib. 3. tit. 2. de Canonic. Secularib. à num. 19.*

Corvinus  
De Personis  
et Benefic. Ecclesiast.

G IV.  
32



LIBER